

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 07/10 i 3/23), člana 35. stav (1) i člana 52. Zakona o izvršavanju Budžeta Zeničko-dobojskog kantona za 2025.godinu („Službene novine Zeničko-dobojskog kantona“, broj: 25/24, 6/25 i 12/25) i Odluke o preraspodjeli sredstava u Budžetu Zeničko-dobojskog kantona za 2025. godinu, broj: 07-03-01-11-1983-7-1/25 od 25.12.2025. godine, na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 111. sjednici, održanoj 31.12.2025. godine, d o n o s i

O D L U K U

o izmjenama Odluke o usvajanju i Programa utroška namjenskih sredstava Fonda za zaštitu okoline za 2025.godinu Ministarstva za prostorno uređenje, promet i komunikacije i zaštitu okoline

Član 1.

(Predmet)

Usvajaju se izmjena Odluke o usvajanju (u daljem tekstu: Odluka) i izmjene Programa utroška namjenskih sredstava Fonda za zaštitu okoline za 2025.godinu u razdjelu 19- Ministarstvo za prostorno uređenje, promet i komunikacije i zaštitu okoline (u daljem tekstu: Program), broj: 02-11-2352/25 od 07.02.2025. godine, koji čini sastavni dio ove odluke.

Član 2.

(Izmjena člana 1. Odluke)

Član 1. Odluke o usvajanju Programa mijenja se i glasi:

“Usvaja se Program utroška namjenskih sredstava Fonda za zaštitu okoline za 2025.godinu u razdjelu 19- Ministarstvo za prostorno uređenje, promet i komunikacije i zaštitu okoline, budžetska organizacija 01, potrošačka jedinica 0001, kolona „Izdaci iz namjenskih sredstava-izvor 30“ Budžeta Zeničko-dobojskog kantona za 2025. godinu («Službene novine Zeničko-dobojskog kantona», broj: 25/24 i 12/25), ekonomski kod 614100 (Tekući transferi općinama iz sredstava Fonda za zaštitu okoline) u iznosu od 3.490.000,00 KM, ekonomski kod: 614500 (Subvencije privatnim preduzećima i poduzetnicima), ekonomski kod: 614100 (Transferi drugim nivoima vlasti-Troškovi finansiranja projekata Vlade iz sredstava Fonda za zaštitu okoline), 615100 (Kapitalni transferi drugim nivoima vlasti), 614300 (Tekući transferi neprofitnim organizacijama) i 613900 (Ostale ugovorene usluge) u ukupnom iznosu od 910.000,00 KM (slovima: devetstotinadesethiljada konvertibilnih maraka) koji čini sastavni dio ove Odluke.”

Član 3.

(Način realizacije)

Sredstva planirana Programom utroška sredstava iz člana 1. ove odluke, realizirat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu i planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 4.
(Realizacija Odluke)

Za realizaciju ove odluke zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija, svako u okviru svojih nadležnosti.

Član 5.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-23238/25
Datum, 31.12.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje,
 promet i komunikacije i zaštitu okoline,
1x Ministarstvo finansija,
1x „Službene novine Zeničko-dobojskog kantona“,
1x a/a.

PROGRAM
o izmjenama Programa utroška namjenskih sredstava
Fonda za zaštitu okoline za 2025.godinu na razdjelu 19-
Ministarstvo za prostorno uređenje, promet i
komunikacije i zaštitu okoline, budžetska organizacija
01, potrošačka jedinica 0001, ekonomski kod: 614100,
615100 614300, 613900, (subanalitika JAD101) , 614200 i
614500 Budžeta Zeničko-dobojskog kantona za 2025.
godinu, broj: 02-11-2352/25 od 07.02.2025. godine

Član 1.
(Izmjene Programa)

Vrše se izmjene Programa utroška namjenskih sredstava Fonda za zaštitu okoline za 2025.godinu na razdjelu 19 - Ministarstvo za prostorno uređenje, promet i komunikacije i zaštitu okoline, budžetska organizacija 01, potrošačka jedinica 0001, ekonomski kod: 614100, 615100 614300, 613900, (subanalitika JAD101) , 614200 i 614500 Budžeta Zeničko-dobojskog kantona za 2025. godinu, broj: 02-11-2352/25 od 07.02.2025. godine.

Član 2.
(Izmjena člana 1.)

Član 1. Programa mijenja se i glasi:

„Svrha ovog Programa je da se odobrena namjenska sredstva iz Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24 i 12/25), sa razdjela 19 - Ministarstvo za prostorno uređenje, promet i komunikacije i zaštitu okoline, budžetska organizacija 01, potrošačka jedinica 0001, kolona „Izdaci iz namjenskih sredstava-izvor 30“, ekonomski kod 614100 (Tekući transferi općinama iz sredstava Fonda za zaštitu okoline) u iznosu od 3.490.000,00 KM (slovima: trimilionačetiristinedesethiljadakonvertibilnihmaraka) ekonomski kod: 614100 (Transferi drugim nivoima vlasti -Troškovi finansiranja projekata Vlade iz sredstava Fonda za zaštitu okoline) u iznosu od 200.000,00 KM (slovima: dvijestotinehiljadakonvertibilnihmaraka), 615100 (Kapitalni transferi drugim nivoima vlasti) u iznosu od 430.000,00 KM (slovima: četiristinetridesethiljadakonvertibilnihmaraka), 614300 (Tekući transferi neprofitnim organizacijama) u iznosu od 100.000,00 KM (slovima: stohiljadakonvertibilnihmaraka), 614500 (Subvencije privatnim preduzećima i poduzetnicima) u iznosu od 150.000,00 KM (slovima: stopedesethiljadakonvertibilnihmaraka) i 613900 (Ostale ugovorene usluge) u iznosu od 30.000,00 KM (slovima: tridesethiljadakonvertibilnihmaraka), koriste za finansiranje projekata iz oblasti zaštite okoliša na području Zeničko-dobojskog kantona.

Sredstva pristigla iz Fonda za zaštitu okoliša Federacije BiH u budžet Zeničko-dobojskog kantona raspoređuju se u skladu sa Odlukom o načinu raspodjele sredstava Fonda za zaštitu okoline («Službene novine Zeničko-dobojskog kantona», broj:18/12, 1/15) na način da se sredstva u iznosu od 70% u odnosu na budžetski priliv doznachavaju općinama/gradovima (osnova za obračun su ukupno prikupljena sredstva sa područja svake općine/grada), a 30% su pripadajuća sredstva Vlade Zeničko-dobojskog kantona.

Sredstva su strogo namjenska i troše se isključivo za projekte iz oblasti zaštite okoliša.“

Član 2.
(Izmjena člana 3.)

Član 3. Programa mijenja se i glasi:

„Izvor sredstva: Budžet Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24 i 12/25), razdjel 19 – Ministarstvo za prostorno uređenje, promet i komunikacije i zaštitu okoline, budžetska organizacija 01, potrošačka jedinica 0001, kolona „Izdaci iz namjenskih sredstava-izvor 30“, ekonomski kod 614100 (Tekući transferi općinama iz sredstava Fonda za zaštitu okoline) u iznosu od 3.490.000,00 KM, ekonomski kod: ekonomski kod: 614500 (Subvencije privatnim preduzećima i poduzetnicima), ekonomski kod: 614100 (Transferi drugim nivoima vlasti-Troškovi finansiranja projekata Vlade iz sredstava Fonda za zaštitu okoline), 615100 (Kapitalni transferi drugim nivoima vlasti), 614300 (Tekući transferi neprofitnim organizacijama) i 613900 (Ostale ugovorene usluge) u ukupnom iznosu od 910.000,00 KM (slovima: devetstotinadesethiljada konvertibilnih maraka), subanalitika JAD101.“

Član 3. (Izmjena člana 4.)

U Članu 4. Programa riječi „pojedinci (fizička lica)“, brišu se.

Član 4. (Izmjena člana 9.)

Član 9. Programa mijenja se i glasi:

Izvrještavanje: O utrošku namjenskih sredstava po ovom Programu, Ministarstvo za prostorno uređenje, promet i komunikacije i zaštitu okoline je dužno polugodišnje izvještavati Vladu Zeničko-dobojskog kantona.

PROGRAM UTROŠKA SREDSTAVA FONDA ZA ZAŠTITU OKOLINE ZA 2025. godinu

Namjenska sredstva planirana u koloni „Izdaci iz namjenskih sredstava- izvor 30“ u iznosu od 4.400.000,00 raspoređena su na sljedeći način:

Ekonomski kod	Vrsta izdatka	Iznos sredstava
614100 JAD101	Tekući transferi općinama iz sredstava Fonda za zaštitu okoline	3. 490.000,00 KM
614100 JAD101	Transferi drugim nivoima vlasti (Troškovi finansiranja projekata Vlade iz sredstava Fonda za zaštitu okoline)	200.000,00 KM
615100 JAD101	Kapitalni transferi drugim nivoima vlasti	430.000,00 KM
614300 JAD101	Tekući transferi neprofitnim organizacijama	100.000,00 KM
614300	Subvencije privatnim preduzećima i poduzetnicima	150.000,00
613900	Ostale ugovorene usluge	30.000,00 KM

JAD101		
UKUPNO		4.400.000,00 KM

- **Namjenska sredstava za zaštitu okoline raspoređuju se, u skladu sa Odlukom o načinu raspodjele sredstava Fonda za zaštitu okoline („Službene novine Zeničko-dobojskog kantona“ broj: 18/12, 1/15) tako da se 70% sredstava u odnosu na budžetski priliv, odnosno iznos od 3.490.000,00 KM usmjerava u budžete općina/gradova.**

Općine/gradovi sredstva troše namjenski za planove i projekte iz oblasti zaštite okoline. Izvještaj o utrošku tih sredstava općine/gradovi na kraju godine dostavljaju Ministarstvu za prostorno uređenje, promet i komunikacije i zaštitu okoline, koje priprema Izvještaj za Vladu Zeničko-dobojskog kantona.

Kriterij: Kriteriji za raspodjelu sredstava općinama/gradovima Zeničko-dobojskog kantona sadržani su u Odluci o načinu raspodjele sredstava Fonda za zaštitu okoline („Službene novine Zeničko-dobojskog kantona“ broj:18/12, 1/15), tako što se sredstva u iznosu od 70% u odnosu na budžetski priliv doznačavaju općinama/gradovima Zeničko-dobojskog kantona, a osnova za obračun su ukupno prikupljena sredstva sa područja svake općine/grada.

- **Budžetom utvrđena sredstva u preostalom iznosu od 910.000,00 KM Ministarstva za prostorno uređenje, promet i komunikacije i zaštitu okoline za 2025. godinu će se utrošiti za realizaciju sljedećih projekata:**

1. Naziv projekta: Pomoć općinama/gradovima i komunalnim preduzećima Zeničko-dobojskog kantona u postupku zbrinjavanja komunalnog otpada (izgradnja novih sadržaja, rekonstrukcija postojeće infrastrukture, nabavka opreme i sl.)

Cilj/izlazni rezultat projekta: U cilju realizacije Plana upravljanja otpadom Zeničko-dobojskog kantona, Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina, kao i Strategije razvoja Zeničko-dobojskog kantona za period 2021.-2027. godina potrebno je pružiti pomoć općinama koje odlažu ili planiraju odlaganje otpada na Regionalnu deponiju. Upravljanje komunalnim otpadom podrazumijeva uspostavu odgovarajuće infrastrukture za prikupljanje i zbrinjavanje komunalnog otpada pri deponijama i općinskim odlagalištima - izgradnju pretovarnih stanica i drugih sadržaja namijenjenih selektiranju, recikliranju komunalnog otpada i odlaganju na uređenu regionalnu deponiju, rekonstrukciju postojeće infrastrukture, nabavku opreme i sl. Program će se realizirati putem javnog poziva.

Iznos sredstava: 430.000,00 KM

Kriterij: Sadržani su u Akcionom planu Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina, Planu upravljanja otpadom Zeničko-dobojskog kantona 2009-2029. godina, kao i Strategiji razvoja Zeničko-dobojskog kantona za period 2021.-2027. godina. Program će se realizirati putem javnog poziva na osnovu sljedećih kriterija:

- Pripremljenost projekta (pripremljenost tehničko-tehnološke dokumentacije, postojeće saglasnosti i dozvole, stepen pripremljenosti za početak radova, itd.).
- Usklađenost planiranih aktivnosti sa akcionim planom Kantonalnog ekološkog akcionog plana Zeničko-dobojskog kantona, Planom upravljanja otpadom Zeničko-dobojskog

kantona i Strategijom razvoja Zeničko-dobojskog kantona.

- Efekti na okoliš stanovništvo koji se postižu realizacijom predloženog projekta.
- Rok realizacije projekta
- Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Obezbjedenje sredstava od strane korisnika u odnosu na ukupno potrebnu finansijsku konstrukciju (sufinansiranje projekta).

2. Naziv projekta: Pomoć općinama/gradovima i komunalnim preduzećima Zeničko-dobojskog kantona u postupcima održavanja i sanacije postojećih općinskih odlagališta, finansiranju transportnih troškova za najudaljenije općine u odnosu na regionalnu deponiju, čišćenja obala rijeka, čišćenja i sanacije divljih deponija i sl.

Cilj/izlazni rezultat projekta: U cilju realizacije Plana upravljanja otpadom Zeničko-dobojskog kantona, Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina, kao i Strategije razvoja Zeničko-dobojskog kantona za period 2021.-2027. godina potrebno je pružiti pomoć općinama i komunalnim preduzećima pri uspostavi održivog integralnog sistema upravljanja otpadom koji podrazumijeva planiranje ulaganja u sektor upravljanja otpadom kroz realizaciju aktivnosti koje se odnose na održavanje i sanaciju postojećih općinskih deponija, kao i sve aktivnosti vezane za čišćenje obala rijeka i čišćenje i sanaciju divljih deponija i sl.

Pomoć općinama u upravljanju komunalnim otpadom podrazumijeva i pomoć u finansiranju transportnih troškova za najudaljenije općine u odnosu na regionalnu deponiju. Program će se realizirati putem javnog poziva.

Iznos sredstava: 200.000,00 KM

Kriterij: Sadržani su Akcionom planu Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina, Planu upravljanja otpadom Zeničko-dobojskog kantona 2009-2029. godina, kao i Strategiji razvoja Zeničko-dobojskog kantona za period 2021.-2027. godina. Program će se realizirati putem javnog poziva na osnovu sljedećih kriterija:

- Pripremljenost projekta (detaljan opis projekta po fazama kao i svih projektnih aktivnosti i dinamike realizacije)
- Usklađenost planiranih aktivnosti sa relevantnim strateškim dokumentima i prioritetnim područjima.
- Referentna lista već implementiranih sličnih projekata.
- Stepen povoljnog uticaja na okoliš i održivost projekta (očekivano poboljšanje kvaliteta okoliša, širi korisni uticaj projekta na okruženje i sl.).
- Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Obezbjedenje sredstava od strane korisnika u odnosu na ukupno potrebnu finansijsku konstrukciju (sufinansiranje projekta)

3. Naziv projekta: Podrška podizanju svijesti o okolišu

Cilj/izlazni rezultat projekta: Ostvariti partnerski odnos i saradnju sa nevladinim/neprofitnim sektorom, udruženjima i javnim ustanovama uz podržavanje apliciranih projekata kojima se propagira zaštita okoliša i podizanje svijesti građana o potrebi okolišno održivog ponašanja u implementaciji niza modela za zbrinjavanje otpada, smanjivanja zagađivanja zraka, zaštiti prirode, voda i tla, a sve u cilju ostvarenja strateškog cilja 3. Poboljšati trenutno stanje okoliša, povećati energijsku efikasnost i unaprijediti javnu infrastrukturu (Mjera 3.4.2. i Strateški projekat 3.4.2.8.) utvrđenih u Strategiji razvoja Zeničko-dobojskog kantona za period 2021.-2027. godina i strateških ciljeva sadržanih u Akcionom planu Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina i to u: Poglavlju 7.1. Privreda, Strateški cilj 1. Povećanje energetske efikasnosti i veće korištenja obnovljivih izvora energije (Mjera 1.1.4.), poglavlju: 7.3. Upravljanje kvalitetom zraka, Strateški cilj 1. Obezbijediti kvalitet zraka u skladu sa propisanim standardima i upravljanje kvalitetom zraka u skladu sa zakonskim propisima (mjera 1.1.10.) i poglavlju 7.8. Upravljanje otpadom, Strateški cilj 1: Smanjenje rizika po okoliš i zdravlje ljudi i uspostava prioritetne infrastrukture za integrirano upravljanje otpadom (mjera 1.1.13.).

Ostvarenje strateškog cilja mjerit će se na osnovu rezultata kroz implementaciju projekata, i to kako slijedi:

- broj angažovanih nevladinih organizacija i udruženja;
- udio u sufinansiranju projekta;
- broj uključenih volontera u projektne aktivnosti ekoloških akcija;
- broj obuhvaćenih lokacija u smislu čišćenja i uređenja izletišta, parkova, školskih dvorišta, urbanih i kulturnih sadržaja, obala i izvorišta rijeka
- broj projekata za selektivno odlaganje otpada
- broj održanih radionica i okruglih stolova u okviru promotivnih i edukativnih aktivnosti a u cilju jačanja svijesti i ekološke kulture djece u predškolskim ustanovama, osnovnim i srednjim školama;
- revitalizacija i pošumljavanje javnih površina (broj projekata, broj sadnica, m² i sl.)
- broj općina/gradova iz ZDK na području kojih se provode aktivnosti.

Iznos sredstava: 100.000,00 KM

Kriterij: Sadržani su u Akcionom planu Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina i Strategiji razvoja Zeničko-dobojskog kantona za period 2021.-2027. godina. Program će se realizirati putem javnog poziva na osnovu sljedećih kriterija:

- Pripremljenost projekta/detaljan opis projekta u skladu sa zahtjevanim sadržajem programa.
- Obezbjedenje sredstava od strane korisnika u odnosu na ukupno potrebnu finansijsku konstrukciju (sufinansiranje projekta)
- Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Referentna lista već implementiranih sličnih projekata.
- Rokovi za realizaciju projekta.
- Uključenje većeg broja volontera

4. Naziv projekta: Finansijska pomoć privatnim preduzećima i poduzetnicima za aktivnosti sakupljanja i reciklaže posebnih kategorija otpada

Cilj/izlazni rezultat projekta: U cilju realizacije Plana upravljanja otpadom Zeničko-dobojskog kantona, Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina, i Strategije razvoja Zeničko-dobojskog kantona za period 2021.-2027. Godina, te u skladu sa Uredbom o načinu raspodjele i ulaganja prikupljenih naknada za posebne kategorije otpada i uslovima za dodjelu poticajnih sredstava. („Službene novine Federacije BiH“, broj: 59/21) potrebno je pružiti pomoć u vidu subvencije privatnim preduzećima i poduzetnicima, Navedena sredstva su planirana za projekte privatnih preduzeća za poticaje u vidu finansijske pomoći za aktivnosti sakupljanja i reciklaže posebnih kategorija otpada. Poticajna sredstva dodjeljuju se sakupljaču za količine otpadnih guma, akumulatora i baterija, ulja i vozila koje su predate obradivaču, a koje su dokazane i dokumentovane kao sakupljene i predate za prethodnu 2024. godinu. Poticajna sredstva također dodjeljuju se operatoru-obradivaču/recikleru otpada, za količine, prerađenog, recikliranog ili pripremljenog za energetske korištenje, otpada od guma, akumulatora i baterija, ulja i vozila, za prethodnu 2024. godinu.

Iznos sredstava: 150.000,00 KM

Kriterij: Sadržani su u Akcionom planu Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina, Planu upravljanja otpadom Zeničko-dobojskog kantona 2009-2029. godina, Uredbi o načinu raspodjele i ulaganja prikupljenih naknada za posebne kategorije otpada i uslovima za dodjelu poticajnih sredstava. („Službene novine Federacije BiH“, broj: 59/21), Uredbi o proizvodima koji poslije upotrebe postaju posebne kategorije otpada i kriterijima za obračun plaćanja naknada („Službene novine Federacije BiH“, broj: 59/21) i Pravilniku o postupku provođenja programa poticaja za aktivnosti sakupljanja i reciklaže posebnih kategorija otpada („Službene novine Federacije BiH“, broj: 83/23). Program će se realizirati putem Javnog poziva.

Krajnji korisnici sredstava: Poticajna sredstva dodjeljuju se sakupljaču za količine otpadnih guma, akumulatora i baterija, ulja i vozila koje su predate obradivaču, a koje su dokazane i dokumentovane kao sakupljene i predate za prethodnu 2024. godinu. Poticajna sredstva dodjeljuju se operatoru-obradivaču/recikleru otpada, za količine, prerađenog, recikliranog ili pripremljenog za energetske korištenje, otpada od guma, akumulatora i baterija, ulja i vozila, za prethodnu 2024. godinu.

5. Naziv projekta: Izdavanje časopisa o zaštiti čovjekove okoline - usluge štampanja časopisa

Cilj projekta : Redovno informisanje o aktivnostima na području svih općina Zeničko-dobojskog kantona vezano za trendove u oblasti zaštite okoline, te podizanje ekološke svijesti svih slojeva stanovništva, a naročito mladih. Projekat će se realizirati kroz usluge štampanja časopisa koji će se izdavati kvartalno u toku godine.

Iznos sredstava: iznos do 7.020,00 KM, (planirana vrijednost uključujući PDV)

Kriterij: Izbor najpovoljnije ponude izvršit će se u skladu sa Zakonom o javnim nabavkama.

6. Naziv projekta: Izdavanje časopisa o zaštiti čovjekove okoline - usluge promotivnih ekoloških aktivnosti.

Cilj projekta : Redovno informisanje o aktivnostima na području svih općina Zeničko-dobojskog kantona vezano za trendove u oblasti zaštite okoline, te podizanje ekološke svijesti svih slojeva stanovništva, a naročito mladih. Projekat će se realizirati kroz usluge promotivnih ekoloških aktivnosti sadržanih u časopisu koji će se izdavati kvartalno u toku godine.

Iznos sredstava: iznos do 4.980,00 KM, (planirana vrijednost uključujući PDV)

Kriterij: Izbor najpovoljnije ponude izvršit će se u skladu sa Zakonom o javnim nabavkama.

7. Naziv projekta: Napiši priču uradi sliku

Cilj projekta: Ovaj projekat ima za cilj podizanje ekološke svijesti djece i omladine školskog uzrasta, a realizovat će se kroz izradu literarnih i likovnih radova sa tematikom zaštite okoline učenika osnovnih i srednjih škola sa područja Zeničko-dobojskog kantona. Završetak projekta će se obilježiti prigodnom manifestacijom uz dodjelu nagrada i zahvalnica.

Iznos sredstava: : iznos do 6.000,00 KM, (planirana vrijednost uključujući PDV)

Kriterij: Izbor najpovoljnije ponude izvršit će se u skladu sa Zakonom o javnim nabavkama.

8. Naziv projekta: Promotivne aktivnosti, stručna usavršavanja

Cilj projekta: : Organizacija seminara, okruglih stolova, radionica, propagandnih manifestacija, medijskih projekata, sufinansiranje izdavaštva itd.

Iznos sredstava: 12.000,00 KM

Kriterij: Izbor najpovoljnije ponude izvršit će se u skladu sa Zakonom o javnim nabavkama.

- **Rekapitulacija Budžetom utvrđenih sredstva u iznosu od 4.400.000,00 KM Ministarstva za prostorno uređenje, promet i komunikacije i zaštitu okoline za 2025. godinu**

R.br	NAZIV PROJEKTA	IZNOS SREDSTAVA (KM)
1.	Sredstava opredjeljena budžetima općina/gradova Zeničko-dobojskog kantona u skladu sa Odlukom o načinu raspodjele sredstava Fonda za zaštitu okoline .	3.490.000,00
2.	Pomoć općinama/gradovima i komunalnim preduzećima Zeničko-dobojskog kantona u postupku zbrinjavanja komunalnog otpada (izgradnja novih sadržaja, rekonstrukcija postojeće infrastrukture, nabavka opreme)	430.000,00
3.	Pomoć općinama/gradovima i komunalnim preduzećima Zeničko-dobojskog kantona u postupcima održavanja i sanacije postojećih općinskih odlagališta, finansiranju transportnih troškova za najudaljenije općine u odnosu na regionalnu deponiju, čišćenja obala rijeka, čišćenja i sanacije divljih deponija i sl.	200.000,00
4.	Podrška podizanju svijesti o okolišu	100.000,00
5.	Finansijska pomoć privatnim preduzećima i poduzetnicima za aktivnosti sakupljanja i reciklaže posebnih kategorija otpada	150.000,00
6.	Izdavanje časopisa o zaštiti čovjekove okoline-usluge štampanja časopisa	7.020,00

7.	Izdavanje časopisa o zaštiti čovjekove okoline-usluge promotivnih aktivnosti	4.980,00
8.	Napiši priču uradi sliku	6.000,00
9.	Promotivne aktivnosti, stručna usavršavanja	12.000,00
	UKUPNO	4.400.000,00 KM

Napominjemo da je dio namjenskih sredstava u iznosu od 300.000,00 KM opredjeljen za nastavak implementacije Zakona o povjeravanju javnih ovlaštenja iz oblasti zaštite okoline („Službene novine Zeničko-dobojskog kantona“ broj:12/13), shodno kojem je Institut „Kemal Kapetanović“ u Zenici dužan planirati ista u okviru razdjela 22 - Ministarstva za obrazovanje, nauku, kulturu i sport, 2201- Univerzitet u Zenici- Institut „Kemal Kapetanović“.”

Broj: 02-11-23238/25
Datum, 31.12.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Ministarstvo finansija,
1x „Službene novine Zeničko-dobojskog kantona“,
1x a/a.